

Fuafuaga mo Faalapotopotoga o Faatufugaga Fou: Faasinoala mo Ē Talosaga

O le Fuafuaga mo Faalapotopotoga o Faatufugaga Fou, o se faiga faapaaga i le va o le Creative New Zealand (le matagaluega mo le faaolaolaina o faatufugaga eseese) ma pulega faaitumalo. E feagai lava le pulega faaitumalo ia ma le tilivaina o nei fuafuaga i lo latou lava pitonuu. O faai'uga e faia faalotoifale o le ki lea i le fuafuaga: o talosaga uma e iloiloaina e le komiti suesue ua iai le poto masani i matata eseese o a latou lava pitonuu.

Autū o le fuafuaga

O le Fuafuaga mo Faalapotopotoga o Faatufugaga Fou o loo lagolagoina ma unaia faalapotopotoga i Niu Sila atoa ina ia latou amatalia ai ma tuuina atu avanoa eseese e mafai ona ofi atu ma aafia ai i faatufugaga faalotoifale mo matata eseese.

I lalo o lenei fuafuaga, "o faatufugaga" o loo faauiga atu i "ituaiga uma o lagona o loo faamatala mai e ala i ata ma taga e faatino pe faaliliu mai ai".

O ai e mafai ona talosaga

E mafai ona talosaga mai se tagata se toatasi poo se mafutaga.

O tagata talosaga taitoatasi e tataua ona sitiseni Niu Sila po ua nofo mau foi.

Afai na e maua muamua ni fesoasoani tau tupe i lalo o lenei fuafuaga, tusa lava pe o se talosaga na o oe poo se mafutaga foi, e tataua ona mae'a saunia lelei se lipoti o le polōketi talu ai, ona faato'a mafai lea ona toe iloiloaina sau talosaga.

Faatagaga: Pe maua se tupe mo la'u polōketi?

E tataua i lau polōketi ona –

- » iai ni ata faavae toto'a i atamai faapitoa ma faatufugaga fou
- » ausia se vaega se tasi pe sili atu o vaega e tolu o tulaga faataatitia o le faatupega (*tagai i le pito i lalo*)
- » mae'a lelei i totonu o le 12 masina mai le taimi na talia ai lau talosaga mo se tupe
- » aogā mo faalapotopotoga faalotoifale
- » fausia i totonu o le aai poo le itumalo o loo fai mai ai le talosaga, pe aogā foi mo faalapotopotoga i totonu lava o lena aai poo le itumalo
- » **aua** lava ne'i amataina a o le'i taliaina le talosaga
- » **e le'i** faatupeina muamua mai e le polokalame faatauvā mo Faatufugaga Fou a Niu Sila mo le faamoemoe lava e tasi
- » **le'i** faatupeina muamua mai i le polokalame a le Faatufugaga Fou a Niu Sila o le faatupeina o faatufugaga fou mo ni tausaga.

Ālafua mo le faatupeina

E tatau ona ausia e lau polōketi se vaega se tasi pe sili o ālafua nei ua faataoto mo le faatupeina –

- » **Aafiaga lautele o le faalapopotoga** – O le a faatupuina e le polōketi ni avanoa faalotoifale mo faalapopotoga ina ia aafia ma galulue ai i faatufugaga eseese.
- » **Felanulanuai** – O le a lagolagoina e le polōketi le felanulanuai o atamai i faatufugaga ma aganuu masani a faalapopotoga, e faa’oloaina ma faalauiloaina ai le tulaga ese o aganuu felanulanuai.
- » **Tupulaga** – O le a mafai e le polōketi ona unaia tupulaga laiti (lalo ifo o le 18 tausaga) ina ia aafia ma tausinio i nei matata eseese.

O ituaiga polōketi poo gaiogafai e ono mafai ona faatupeina e aofia ai –

- » faaaliga, faatinoga, koniseti, tauvaga siva, galuega taulima ma lona faalauiloaina e ofoina ai avanoa mo le komiuniti ina ia aofia i nei tomai faapitoa (arts)
- » gaoioiga e lagolagoina ai aganuu masani ma atamai faapitoa o tagatanuu eseese
- » tauaofiaga a tupulaga talavou ia latou faatufugaga
- » polōketi e ta’ita’ia e tufuga tomai mo faalapopotoga faalotoifale
- » mea e faa’oga e faatino ai polokalame poo le faagaioiga o tomai faapitoa
- » totogi o tagata mo se polōketi e faatasi lava ona fai mo se taimi puupuu
- » faalauiloaina ma le faaaliga faalauaitele o faagaioiga o tomai faapitoa.

Ituaiga polōketi poo gaiogafai e lē mafai ona faatupeina aofia ai –

- » gaoioigafai e lē o faataua ai le tomai faapitoa
- » gaoioigafai o loo feagai tonu ma a’oga poo isi faalapopotoga tau a’oa’oga
- » le tau o galuega faifai pea mo le pulega ae leai se sootaga i se polōketi patino
- » polōketi faapitoa a se sosaiete poo se isi auaunaga
- » le tau faatusatusa o le polōketi tuai (mo polōketi ua amata po ua mae’a)
- » tau mo le tausiga o se tauaofiaga
- » sa’iliga tupe
- » fausiaina o mea tau fale, e pei o mōli mo le faletifaga, pupuni o le fata faafiafia poo le faafouina o le fale
- » faatauina o masini tetele, e pei o komepiuta, mea pueata poo ni masini fai musika.